



Nachruf

Wir trauern um Rainer Siegl.
Sein plötzlicher Tod hat uns sehr erschüttert.
Rainer hat rege am Vereinsleben teilgenommen.
Sein Andenken werden wir stets in Ehren halten.
Erzgebirgischer Heimatverein Eibenstock
- Der Vorstand -

Unser Vürstand hat sich in dor letztn Sizing mit folgenden Themen ausgiebig beschäftigt:

Vürbereitung unserer Weihnachtsfeier

Vürbereitung der Jahreshauptversammlung im Januar mit der Wahl eines neuen Vorstandes für die nächsten vier Vereinsjahre.

Do werds einiche, auch altersbedingt notwendige Voränderunge gabn.

Zen annern gings im de Vorplanung for unnere Zesammekinf wie Hutznobnde un aa ne Ausfahrt fors neie Gahr 2026.

Alle Zammekinf finden in dor Imbiss-Stub an dor Vodelstroß statt, weils zur Zeit im Q-Stall net meechlich is.



FAHRDIENST

Wer am 04.12.2025 abgeholt und auch **wieder nach Hause** gefahren werden will, der möchte bitte bis 16:00 Uhr anrufen:

Thomas Maixner

Tel.: 3391



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
249

Mitteilungsblatt des
Erzgebirgischen Heimatvereines
Eibenstock e.V.

Dezember
2025



*All unnern Mitgliedern
un Freindn wiünsch mir
ne friedliche Weihnacht
un alles Gute im neie Gahr!*

Esu gruß sölln unnere Karzln aber net warn!?!

De Vürstandswahl stieht fei aa...

Alle vier Gahr is de Vürstandswahl nutwendich. Mor kennts gar net gelabn, dos schu wieder su viel Zeit vorgange is.

Zur letztn Wahl vor vier Gahrn is dr Vürstand wieder gewählt wurn wie alle Gahr, dos haast de Leit sei die selbn gewasn. Aber des Gahr werd die Sach a bissl annersch aussah. Mir sei alle älter wurn un zwee`e ham schu 35 Gahr im Vorstand geaarbit, des betrifft bekannterweis in Vorsitzn, ne Schürer, Matthias un ne 1. Kassenchef, ne Schmidt, Günter. Die wachseln vun geschäftsfürnd Vierstand nei ne erweiterten Vierstand, bleibn sumit erhalten. Und dr Jung, Lothar als 2. Vorsitzendr werd sich altershalber nimmer aufstelln lessn.

Deserwagn:

Folgender Vorschlag for de Wahl des geschäftsführenden Vierstand:

- | | |
|------------------|--------------------|
| 1. Vorsitzende | Daniela Barth |
| 2. Vorsitzende | Antina Richter |
| 1. Kassenwart | Kerstin Kittelmann |
| 2. Kassenwart | Petra Tuchscheerer |
| 1. Schriftführer | Andrea Barth |
| 2. Schriftführer | Viola Taube |

Folgender Vorschlag for de Wahl des erweiterten Vierstandes und Aufgaben:

- | | |
|---------------------|------------------------------|
| Matthias Schürer | Blatt`l |
| Günter Schmidt | Blatt`l, Kultur und Internet |
| Hubert Brückner | Wanderwart |
| Uta Schmidt | Öffentlichkeitsarbeit |
| Alfred Taube | Heimatgeschichte |
| Jörg Brückner Barth | Bergbau |

Mir hoffen auf eire Zustimmung un freie uns auf des neie Voreinsgahr
Zweetausndsechsezwanzisch

Wir gratulieren unseren Heimatfreunden



Karin Weidlich	am 03.12.	zum 74. Geburtstag
Christine Schubert	am 12.12.	zum 68. Geburtstag
Monika Jung	am 13.12.	zum 66. Geburtstag
Sigrid Oswald	am 14.12.	zum 76. Geburtstag
Erika Nötzold	am 22.12.	zum 86. Geburtstag
Lothar Richter	am 22.12.	zum 64. Geburtstag
Holger Wiech	am 30.12.	zum 65. Geburtstag



*„Wenn die Menschen nur über das sprächen,
was sie begreifen,
dann würde es sehr still auf der Erde sein.“*

~ Albert Einstein ~

Achtung! Terminänderung!
Unsere Weihnachtsfeier muss
nun am **4.12.25**, ab 18.00 Uhr im
Hotel „Am Bühl“ stattfinden!
Un net vergassn:
is Packl für ca. 10 € !!!



**Jahreshauptversammlung
& Wahl**
am 15. Januar 2026, 18.00
in der Imbiss-Stub beim Egon
an der Vodelstroß


Dor Winter

Dor Winter is nu wieder do,
is schneit nār su vun Himml ro.
Is Waag un Staag aa eigeschneit,
vortreibn mir uns dorwagn de Zeit.
Mit Schlietn of dor Ruschelbah,
do waabl, war nār krabbln ka.
Un gieht aa noch dor Schisport lus,
do is de Fraad erscht richtig gruß

Net lang, kimmt aa Weihnachtn rauf,
do hält fei arm un reich noch drauf.
Denn wan mors aasieht, dar is fruh,
is war schu allmeitog esu.
Bei Weihnachtsbarg un Christbaumglanz,
do sei de Kinner glocknganz
Von Hütung bis zen Ortsvürstand,
dor Friedn gieht durchs ganze Land.

Silvester, Neigahr, Huchneigahr,
wos heit noch is, wie´s sistn war,
des därf aa net vorgassn sei,
schu wagn dar gutn Asserei.
Inusse ja, mor macht halt miet,
wie´s emol im Labn hargieht.
Mor wolln`s aa haltn alle Gahr,
grod wie`s bei unnre Altn war.

Un sachte kimmt de Fosnd ra.
War Gald hat, nu dar ka ja aa
siech die paar Tog mit Lust vortreibn
un aa sei Kälbele austreibn.
De Guchnd will sei Olbrichkaat ja hobn
un möcht siech nār e weng austobn.
Mir warn doch sonstn aa esu,
drim Kinner, macht nār immerzu!



Un wenn mor mannchmol nicht vür hot,
un`s kimmt ka Menschneel in Not
do gieht mor hutzn, net ze weit,
nār su eweng zen Zeitvortreib.
Do wird ball des, ball jens dorzählt,
geklogt, gelacht, wie`s grod gefällt,
un manche Lork zestand gebracht,
un ham giehts erscht spät in dor Nacht.

Ganz langsam kimmt is Friehgahr ra,
vorhunzt is schu de Schlietnbah.
Un wenn dor Winter fortzieh tut,
nort schwenk mor fröhlich unnern Hut.
Mor zenne aus ne Winterrock,
vorsauhn noch in Klippstock,
nort mög dor Winter immer gieh,
un`s Friegahr herrlich auferstieh!

von Hans Soph

De Schwarz-Arbit in Crottendorf



Mit ne Meichsner-Bus warn mor lang net un-
nerwags, diesmol hats wieder mol geklappt: Auf
nooch den Crottendorf! Do wolln mir paar
Weihrichkarzle bastln, weil ball Weihnachtn vor
dor Tür stieht! Un salber Gemachts riecht
epperemende aa noch besser, als de gekaaftn.
Gelei nooch dor Begrießing im Bus durch unnern
Voreins-Chef mußst iech ganz schnell emol auf-
springe un ze den Bus-Mikro hielange.



Denn: Is gob ewos Wichtches ze
sogn! Unner Termin zur dies-
gähring Weihnachtsfeier musst
siech im ne ganze Woch nooch
vorne vorschiebn - of ne Don-
nerstich, ne 4. Dezember! Mir sei
do draa ieberhaupt net schuld,
wies schu e mannicher wieder
ringelatscht hat. Naa, is Hotel
salberscht hat den Termin
vorramscht un





annere do nei genumme, obwuhl mir mit dor Obrichkaat un ne Koch schu lang allis mit ne 11.12. beredt hattn. Aber Schwamm drier – mir kenne aa an annern Togn gut feiern, oder net? Dor Busfahrer hat uns schnurstracks ieber Sose un Schwarznarg bis in des Crottndorf gebracht. Un do gings aa gelei lus: Zweek Gripple á 25 Weibsn un

Manner - un nei in e schiens Zimmerle. Do war allis bestns vübereit – for jedn ne klaane Schiefertofl mit nern Masser un in dor Mitt klaane Döse mit allerhand Duftzeich drinne, wie Weihrauch, Nadelextrakt, Sandelholz un Mastix (wos aa immer des is) Jeds hat erscht emol do de Nos naagehaltn, im rauszefindn, wos mor for Gerüche halt namme will. Halt: erscht e schiens Schirzl naa würgn, mor kennt ja drackit



warn. Aber ehs richtig lusgieh kunnt, hat uns ne Karzl-Dame allis dorklärt, vu dor Geschicht bis itze. Dann hat se jedn in handgrußn schwarzn Klußdingerich gabn. Den sollt mor in vier Taale zurlegn. Drauf muß mor su e Viertl nei de Händ namme un knetn – im Nu warn unnere Griffn gammerlich schwarz! Glei drauf in klenn gestrichne

Löffl vu su en Düftstoff namme un drunnernei mischn un wetterknetn. Dann den Balg weng glatt hielegn un Strafn schneidn. Immer wieder klaane Stickle lusmachn un rolln, su dick wie halt e Karzl sei sollt. Un an aaner Seit muss e Spitz naa, ansinstn kaa mor des Ding ja noocherts net aazindn! Allermacht – do kame ja de verickstn Forme raus – grüße, klaane, dicke, dinne un aa e paar, die ganz vorbugn do rim standn. Des macht ja aber zen Schluss nicht, saat iech mir, des Karzl-Zeich mus ben Aazindn vor alln gut riegn! Iech hat aa meine Mieh, die Dinger halmwags hiezestelln. Bein zweetn Stickl Taag ging des schu besser un bein viertn is mor immer schneller un besser wurn.



Of de annern Tischle saahs aa su aus wie bei uns, e paarle vu uns hätt mor eistelln kenne im Hauptwark, aber de meestn hams halt su genumme wies halbwags gelunge war. Zen Schluss ham mir jeds ne klaane Schachtel kricht, wu mor alle Karzle oder söliche, dies warn wölln, nei tu konntn. Dorham sollt mor die Deckln aufmachn, weil

die Dinger erscht noch ne Weil brauchn, bis se trockn sei un dann emende aa noch raang un rieng solln. Als mor nu unnere Karzle vopackt hattn, gings naus in den grußn Lodn. Do gabs allerhand ze kaafn – vu Schwibböggn, Mannle, Räicherhaisle un, un, un! Einiche ham aa eigekaaf un sei mit nern grußn Beitel naus zen Bus.



Un do gings aa schu dauernd bargauf nauf ne Fichtelberg - ieber schmole Stroßn, wu unner Fahrer arg mit ne Gegnvorkehr ze kämpfn hat. Un itze issis aa noch immer gräilicher draussn wurn. Do wern mir gar kaane gute Sicht ham of unnern huchn Barg. Aber wass dor Bock: ubn hat de Sonn geschiene un mir kunntn ieber den Nabl wag guckn! Des war e schiener Ausblick! Drinne war schu allis gut eigedeckt un de Bedienung ausn Nachbarland hat uns bestns bewirt. Kaffee un Kuchn hat aa gut geschmeckt, e paar ham sugar noch en Eisbecher dorzu neigeschlunge. Wu alle satt un zefriedn warn, ging de Bargeifahrt lus. Immer schneller issis dunkler wurn, nu is war ja aa schu ball Obnd! Ieber Tallerhaiser, Ritterschgrie, Braatnbrunn un Johannstadt gings wieder eham nooch unnern Eimstock. Des war unner schiener Bastl - Ausflug - Tog.

Bis zen nächstn mol – Eier Schmidti

